

大名府志

咸豐三年鐫

大名府志

府庫藏板

大名府志總目

卷之首

序

舊序

凡例

銜名

目錄

圖

卷之一

星野

沿革

卷之二

疆域

形勝

卷之三

年紀
起上古迄五代周世宗顯德六年

卷之四

年紀
自宋太祖建隆元年至國朝咸豐二年

卷之五

山川

河渠

風俗

方物

古蹟

陵墓

卷之六

城池

署廨

秩祀

寺觀

橋梁

義塚

卷之七

里甲

戶役

田賦

倉儲

鹽課

卷之八

學校

書院

義學

卷之九

軍政

鎮堡

驛遞

卷之十

職官

卷之十一

職官

卷之十二

選舉

卷之十三

名宦

卷之十四

人物

卷之十五

人物

卷之十六

流寓

列女

方外

外傳

卷之十七

藝文

宸翰 賦 詩

卷之十八

藝文

記

卷之十九

藝文

記 傳

卷之二十

藝文

碑文

卷之二十一

藝文

制

詔

詰

璽書

券文

誓書

祭文

封事

上書

表奏

議

狀

疏

劄子

啟

對

卷之二十二

藝文

頌

箴

銘

贊

雜文

名府志卷之五

山川

麓山 府城北四十五里春秋僖公十四年沙麓

崩卽此漢王翁孺嘗徙居其下

一名沙鹿見公羊穀梁傳又五鹿之

墟卽此見漢書元后傳

愜山 府城北十五里漢成帝時河決王延世運土

成阜塞之用愜人心故名與沙麓遙相對峙

今舊城之

西有愜山廟卽其遺址

方山 南樂縣北七里相傳有東西二十山其形方

正後爲河決所蕩今村名仍呼之

秋山 在頓邱廢縣西北屬清豐縣界山海經曰帝

嚳葬於秋山之陰卽此

今沒爲黃河故道所存僅抔土耳

白雲山 東明縣東北二十里郊原平行土山突起

當平旦時白雲與山色相映蔚然可觀史稱張良

辟穀於東昏之白雲山卽此附近有懷良村

龍光山 東明縣東南三十里龍山集迤西壘土爲

臺勢甚高聳元時有人見龍集其上時嘗歲旱禱

雨有應故名又名龍掛山

金沙山 在開州城內州治東迤北宋建炎二年金

人攻開德守臣王棣死之士人立塚如山舊志以

王棣爲楊榘誤

洪洋山 開州東南五里許土岡綿亘南北數里元

明道郎真人常遊於此山南有淨翠橋

衛陽山 一統志在開州東南二十里居衛之陽故

名今莫知所在

雞鳴山 開州城內東北隅周圍十餘丈斜高丈餘

南鄰儒學百餘步西偏卽協鎮署

五霸岡 東明縣東南五十里春秋時五霸會盟之

地又謂之霸王岡楚項羽救邯鄲時驛此岡上

黃陵岡 東明縣東南八十里元時賈魯治河始此

呂園岡 在開州東南李村里

龍泉岡 在開州清河岸側岡上有龍泉焉

望河岡 在開州清河里高可三文清河在西南登

眺者舉目卽攬其勝焉

杏花岡 在開州清河西岸堤口上有觀鳧亭

大岡 長垣縣東六十里

廬岡 長垣縣東二十五里

荆岡 長垣縣東南四里岡畔有琉璃井

青岡 長垣縣西二十里平地突起土皆青色

宜邱 長垣縣北十五里高聳數尋斷續起伏形勢

蜿蜒

衛河 源出河南衛輝府輝縣西北七里之蘇門山
東流經新鄉縣北過衛輝府城北一里又東北入
濬縣境謂之白溝淇水入焉隋大業四年引白溝
爲永濟渠亦曰御河自是衛河專有御河之名由
濬縣歷彰德府之內黃入大名府舊魏縣南界今屬
太名又東北抵府城東南又北東入山東館陶縣
界又東北流至臨清州西與元人所開會通河合
至天津入海

漳河 卽禹貢之衡漳其源有二清漳出山西平定

州樂平縣濁漳出山西潞安府長子縣二水至河南涉縣交漳口合而爲一又東入直隸磁州界山盡地平水始奔放又東過河南臨漳縣界又東入府境大名縣界先是漳水由大名縣之張二莊入界東北流至府城東南岔河嘴與衛河合今張二莊以下故道全淤漳水由臨漳南行至內黃縣之王家莊入衛又東至清豐之町上村入大名府界歷大名縣境東北行由南樂元城繞府城東北至山東館陶縣之七村出界

黃河故道 大河故道在府境者有三其一自河南

滑縣流入經開州西北又東北逕清豐縣北又東北經南樂縣西北又東北經府城東又東北入山東館陶縣界此西漢以前黃河經行故道也一自滑縣流入經開州西南又東北經清豐縣南又東北入山東觀城縣界此東漢以後及唐宋時黃河所經故道也一自封邱縣流入經長垣縣南又東經東明縣南又東入山東曹州界此宋南渡以後黃河所遷故道也自金明昌五年河南北分流元世祖至元時會通河成河始全入於淮不經府境其各處所經故道猶存

古濟水 通志在東明長垣二縣界東明縣志在縣南三里卽今之洪河蓋二水合流之會也

瓠子河故道 在開州東漢元光中河決瓠子久不復塞武帝元封二年帝親臨塞之築宮其上曰宣房宮平帝以後未及脩理永平十二年顯宗詔王景治渠築堤自是以後瓠子之水絕而不通

六塔河故道 在清豐縣東南三十里

屯氏河故道 在大名縣東南俗名毛河

俗又誤呼爲王莽河

馬頰河 在府城東五十里舊自開州北流經此澗

約百步今雖枯竭故道猶存

案馬頰河爲九河之一
案字記在棣州滴

河北元和郡縣志馬頰河在德州安德縣南五十里今按此馬頰卽通典所云出澶州清豐東北至平昌合爲馬河者非禹貢九河之馬頰也

沙河 在府城東北四十里南北約長二十里東西潤二里許流常不足故又名流沙河

雕馬河 在府西南宋時引漳水注此絕衛河而注城中復北出以入於衛今涸舊渠猶存

硝河 河兩岸產硝故名其源出河南濬縣流經滑縣分爲二一由內黃入大名縣南界東北注於三角潭分十之三自飲牛口注衛十之七自梅家口

注衛一由開州爲馬頰河東北流經戚城又東匯

爲趙村陂自白倉北會傅家河又北逕清豐縣西
北而泮於南樂縣之岳儒固河其水鹹鹵下墊凡
所經流數載不復芻牧計長南北縱百六七十
里
衡或十數里少者二三里

馬頰河府舊志謾
作馬駕今更正

岳儒固河 在南樂縣北四里岳儒固村河西南自

清豐界來經本縣近德固村豆村迤東流至岳儒

固匯爲傅家潭東北注爲方山固河又北爲潘家

河北入大名縣界卽古金隄所障者河久枯竭夏

秋水盛瀾漫里許冬春始涸

俗亦名馬頰河見舊
志按上流卽開州清

豐之馬頰

河所注

洪河 在東明縣東南三里許水自河南滑縣衛南
曠分流經縣界洪門村雲臺口會濟水東北抵張
秋等處入海每秋水至自洪門村至十里鋪數十
里俱遭淹沒明萬曆四十年知縣李遇知督理疏
濬其患稍息

龍窩河 在南樂縣東四十里自山東觀城縣界流
經本縣之英村至龍窩村而止唐開元十四年魏
州河溢其決口謂之龍窩自宋以來縣爲大河經
流之道其後河旣南徙餘流斷續不一因隨地立
名云

朱龍河 在南樂縣西南四里源自開州澶淵陂分

流過清豐縣城北至南樂縣西南趙家莊曲折南

迴復入開州注黑龍潭

相傳宋太祖微時登澶州城觀水漲遙見赤龍射之

中左目水遂奔潰是日周世宗夢遊水中被射覺而目痛河因此得名

漆河 在東明縣北源自河南原武縣黑陽山流經

縣西漆隄北又東抵縣北關外又東合於洪河

澶水 在開州西南古澶淵也一名浮水亦名繁泉

今名澶州陂宋開寶四年河決澶淵後河南徙遂

成大陂南北約十餘里東西如之其水由州南界

流入東經八里莊爲馬頰河又東爲柳清河又東

爲魯家河又東會瓠子河入濮州界舊志云至清
河頭分爲二一注霸家河東逕濮州入張秋河一
瀧逕濤豐縣東南界孫固城北匯爲朱龍河以今
考之入濮州者會魏河東下入清豐者卽俗名波
河是也

濮河

一名毛相河

在東明縣南杜勝集西北卽古濮渠也

俗訛爲普河源自河南封邱縣流逕長垣縣北又
東逕河南滑縣南又東逕開州東南又東至東明
縣南又東北合於洪河嘉慶八年故道被黃河沙
壅河忽轉而東又北過開州之楊家樓西納澶州

陂馬頰柳青諸河流入濮州界與魏河會

賈魯河 在東明縣南六十里斷頭堤元漕運所也

元工部尙書賈魯所開故名自斷頭堤東北流入

山東界

灘河 在東明縣南五十里李六屯迤東乃黃河之

支流也下流入山東曹州界今湮

清河 在開州東二十里澄碧汪洋居民以造紙爲

業長數里

魏河 在開州東卽瓠子下游東流至王家橋入濮

州

白溝河在開州南寬約三四里上承滑縣諸水入
鄆州境由開邱店北流又東與毛相河會

倉溝河在開州東南七十里順治六年荆隆日決
正澮衝此河自溝淇河之水俱注於此又東與毛相
河會

淇河在開州西流入清豐界淇水本自河南濬縣
合於衛河此其支流也今涸

白家河在長垣縣東南三十里自毛家潭東入盛
家橋今廢

洵北河在長垣縣南三十里一名洵背河自河南

封邱縣東流入下注縣東南一百二十里紙坊集
河計三段其長八千九百八十七丈河面寬四五
丈至二十丈不等乾隆五十二年河督蘭第錫奏
請挑濬

趙王河 在長垣縣東南上接洶北河以洩縣境之
餘水乾隆五十二年挑濬

五壘河 在長垣縣北乃河南黑陽山諸水下流自
滑縣流入經小務口抵樊相堡乃濬渠餘流也

遷家河 在長垣東北三里自小務口東流入東明
縣界亦濮水之支流

...
...
...
...
...
...
...

...

...

...

...

...

...

...

...

...

...

河渠 從經附

大名之水以衛河爲綱漳河次之而硝河漆河洪河
豬籠等河則皆由府境東注運河可資宣洩者也
漳河舊由大名縣之張二莊入界至府城東南之
岔河嘴與衛河會而舊魏縣適當其衝屢受其害
卒以乾隆二十三年淹沒城垣裁併大元兩屬今
漳水由河南之臨漳南行至內黃之王家莊入衛
其患稍息而舊漳故道一遇霖潦便可資以洩境
內餘水然此溝又不宜挑濬使深恐將來引漳入
境又受其累也

大名縣蔡河兩岸舊有乾隆間總督孫嘉淦所開洩水溝數道以消積水年久淤窄皆宜挑濬

元城縣所屬衛河自小王莊起下至善樂營入山東館陶縣界也村地方計長七十三里西岸民埝一道計長六十五里宜隨時脩築以防漫溢

三里引河一道由大名府城南關東北入元城之三里店至紅花隄口門入館陶界中間所經舊府治以北趙家橋一帶莊村積水皆賴此河宣洩以下歸衛河

北支河一道自大名縣高兒寨入元城界又穿人大

名縣鄒兒莊仍歸元城境內至迤莊合於南支河計長三十餘里

南來河一道由府城西北至大名縣之前屯村入元城界至迤莊合於北支河由東齊固下入山東館陶縣界計長四十餘里府北一帶村莊積水皆可由此以達衛河

南樂縣黃河故道有二一自大名縣來入南樂之百尺村卽道光六年所開之新衛河下至李崇瞳村入元城界此漢魏以前之黃河故道也一自清豐縣之東吉村入南樂界由縣城東入山東朝城華

縣堂邑由清平高唐樂陵一帶入海此宋南渡以後黃河數決所經之故道也今年久淤平其河形猶在每逢秋霖灑水多出此迤北入元城縣界

清豐縣境內所屬新開衛河自河南內黃縣入縣境之灘上村下至南留固村入大名界計長八里

永豐渠南自開州碛河經河南內黃縣之小店集入清豐縣界之興旺莊下至南留固村合於新衛河計長六里

南樂縣境內舊有豬龍馬頰二河皆由清豐縣北境入縣界豬龍水小而地窪馬頰水大而地高豬龍

自縣南吉道村下至黎固以下並無歸路馬頰自
縣西南關王廟由縣西迤北至西小集村入元城
縣界一水各順其流各分其勢向來不大爲災卽
夏秋雨集而下流自朝城而莘而聊以入於會通
河其涸也可立而待也所慮者上游清豐於元帝
廟北決金隄使馬頰之水全注於豬龍下流無所
容蓄必至四出泛溢而不可遏東則胡家莊一帶
二十餘村東北則羅村一帶二十餘村皆爲巨浸
而山東朝城復於其境上橫亘築隄以遏其去路
則南樂之水遂無可宣洩矣前在康熙三十八年

清豐知縣鄒汝魯築金隄之決口立石為記四十五年復奉撫憲及本道批示將清豐縣元帝廟隄口照舊脩築永不許盜決以分兩河之勢又知會東省開放朝城所築西岸使水有所歸由是南樂之民始得平土而居夫曲防以貽禍鄰封霸者且不肯為存心民瘼者豈復蹈之乎

按猪龍河即朱龍河見前山川

門舊志混淆今辨明

馬頰猪龍二河一在清豐縣東一在清豐縣西二河

皆上接開州下通南樂猪龍河自城東南西南營

由城東之紙坊至盈滿城出境馬頰至城南宋隄

口由城西之八角寨至里固村出境二河之間以隄隔之名曰金隄漢成帝時王延世所建隄上有金隄驛秦女樓金隄關土人以金隄迴瀾爲邑八景之一約長五十餘里所以障二河之水不使合穽爲害今馬頰河在清豐境內者計長三十八里豬龍河在清豐境內者計長四十七里平時皆淤墊無水然一經夏秋霖霖境內瀝水皆賴此二河宜洩當時加挑濬勿使壅塞而金堤年久殘缺或東高三四尺或高四五尺不等尤當使一律完整順水河自清豐縣西南之豆固起經許村堡北至潘

生村入馬頰河計長三十二里今亦淤墊

東明縣城漆水環其西北洪河繞其東南闔境之水
以二河爲總匯而縣南杜勝集又與長垣之洶北
河趙玉河相接遇有秋霖不患水無歸宿惟各處
溝渠年久淤塞皆成平田未能一律通暢乾隆初
奉督憲查勘縣境之陳里長屯爲太行隄北村莊
懸水所匯下無宣洩之處又查屯北十三里有八
里溝與賈魯河相通派工挑濬引水入溝又太行
隄南牛八屯等二十餘村向有積水無處宣洩亦
於田家市口穿隄引水併入八里溝又縣西北公

西村等處并開州之李家屯等一帶地方亦有積水查自開州曹家莊起至東明之韓家岡舊有洩水渠一道東入漆河亦當疏濬引水以歸漆河至縣北司馬陂之積水查與開州之安陵陂相近應穿渠引入同歸洪河

黃陵渡在東明縣東南八十里夏秋霖雨輒泛溢爲害宜疏濬

開州稍河自河南滑縣來由州境仍出河南之內黃縣行四十餘里復入清豐大名以歸衛河舊緣內清二縣河身淤阻水不下注以致潰溢乾隆初曾

經會同各屬以次疏濬又開州之南有黃河故道
爲河南滑濬等縣瀝水所匯注於城南之瀆淵陂
因下游山東濮州之草市地方築有高埂以致開
州之南一帶村莊水無出路舊於大韓村起挖引
河一道直達濮州李家河引水歸衛又安陵陂一
帶所有積水亦可於徐鎮等村開溝一道引入洪
河

昌湖在開州東北

卽古商胡

宋時黃河北流故道河形至

此曲折而下土人名河西爲河套

柳清河在開州南卽瀆州陂之上游遇澇則可消州

南之瀝水下注澶州陂

巴家河在開州東下與瓠子河相通

長垣縣北有五里河爲河南黑陽山諸水下流白滑縣流入西南抵小務口又東南流入河

古濮渠卽濮水之上游在長垣縣北俗訛爲普河東流入東明界又經開州東南合洪河入山東濮州界年久淤墊宜疏濬以備宣洩

上引河起自長垣隄西村下流至紙坊村接舊引河東至朱家莊南計長十四里乾隆十七年知縣嚴遂成詳請開挖

下引河在長垣縣西南二十里上接河南封邱縣渠
下流由本縣康家道口入東明縣洪河雍正二年
知縣趙國麟開挖今淤

城北渠在長垣縣北三里許渠有二源一自青岡西
南流一自太子屯西北流合於陳棗河東流逕河
南滑縣之坡兒馬入東明縣漆河長六十里河面
寬三丈深六七尺不等雍正九年知縣劉揆議開
乾隆二十年知縣屠祖賚重濬之

長垣縣舊城河其源自野莊起東至白家寨下流入
東明縣漆河乾隆二十年知縣屠祖賚縣丞吳綱

議開今淤

黃家集渠在長垣縣東南七十里計長十五里下流入洶北河又甘家堂渠在長垣縣東南六十里計長五里下流入洶北河二渠皆乾隆二十年知縣屠祖賚縣丞吳鋼議開今俱廢

文明渠起自長垣王家牌坊至羅村屯入城北渠計長一千六百六寸五丈河面寬二丈深五尺乾隆二十八年知縣吳鋼議開

南渠源自河南封邱縣流入長垣至引河合流入康家道口計長一千二百餘丈乾隆元年知縣朱懋

德讖開

涵洞在長垣太行長隄朱家道口洩城東南一帶村莊瀝水入洩北河乾隆二十年知縣屠祖賚開又長垣縣西有洩水溝二道一由青岡集一由太子屯下至陳棗莊合流陳棗莊以下河身淺窄應挑濬使容上流之水歸入漆河

三角潭在大名東十五里方塘百畝歲久不涸或以爲龍湫也建龍王祠於其上禱雨輒應

白水潭在大名西十二里林樹交蔭菱荇縱橫爲近郊之勝

白龍潭在魏縣西漳水滙流處五代史唐紀乾寧三年李克用自將擊魏敗魏人於白龍潭卽此

傅家潭在南樂縣西北四里周約二里許

黃龍潭卽六塔河之發源在清豐縣東南三十五里約二十餘頃潭水淵深經歲不竭下流爲六塔河由城東至李安吉村入南樂界計長五十五里又開州亦有黃龍潭在州城西南秋雨漲溢則由黃河故道分流於城南城北下入清豐

余家潭在東明縣東十里北曰長潭南曰圓潭相去

黑龍潭

大名府志

卷之五 河渠

七

黑龍潭在開州西南卽瓠子河口深不可測雖大旱
不竭土人稱爲龍湫其南爲蓮花潭距龍湫三里
許方五六頃秋水泛溢則二潭相通州人引其水
以灌田或鑿池植蓮花開時一望無際

閻家潭在長垣縣東南六十七里明正統十四年河
水決入縣境迴流衝嚙因成此潭宏治五年築隄
羣之潭西七里曰牛家口東三里曰大岡皆築隄
以防決溢處又毛家潭在縣東南十五里

高雞泊在元城縣界唐中和末宰相王鐸出爲義昌
節度使過魏塗樂彥禎子從訓劫之於高雞泊卽

蓮花池有四一在開州城內儒學後一在清豐縣江
瀆廟東北百餘步相傳唐太宗征遼時所鑿水可
灌田一在南樂縣東十八里王莊村東南宋隄之
西乃東黃河所溢堤西又築月隄障水土人呼爲

夾隄昔有蓮生其中今湮爲田疇每夏秋水積尙
蓄水下洩或曰蛇多聚此掘則蛇見亦名蛇窟一

在南樂縣西北三十里倉帝陵東舊爲繁水所溢

遇夏蓮花盛開故名

按通志亦作四處一在大名縣東二十里而無清豐一條

按舊志不列河渠凡河道渠堰均入山川門自屬

簡易今因郡城患頻仍修防宜慎特標河渠一門並繪全境圖於首卷俾閱者有所稽核然宜與山川門互參庶幾得其源委此亦仿通志例非敢過爲煩瑣也

沙隄 在舊府治西門外卽古沙邱堰

寸金隄 在府治北宋韓魏公所築水大至而不沒

者寸許故名

一名黃金隄按元城志亦載入

金隄 卽漢時舊隄文帝十二年河決酸棗潰金隄

成帝建始四年河決東郡金隄次歲改元河平元年以王延世爲隄河使者塞河決隄繞古黃河歷

開州清豐東明南樂由大名東北趨館陶計長二百餘里明宏治間知府李瓚重築

遂家隄 在舊大名縣東南三里相傳戚里遂氏居此

李茂隄 在舊大名縣東北八里

牧堤 在舊大名縣東十八里

范勝隄 在舊大名縣東南十里

衛河隄 起新鎮達館陶延袤二百餘里明知府李瓚增築

紅船灣隄 在大名縣境內艾家口東北里許知府

李攢築明史宏治三年河決開封沙岡抵紅船灣

卽此

甄侯隄 在大名起駢村新河口至內黃田石界約

百里有奇明知縣甄敬築

匡公隄

舊大名縣北三里明知府匡鐸築

山陰朱廣有記

見大名縣志

華侯隄 起舊大名縣西關隄北隅至回隆九十里

嘉靖二十七年知縣華舜欽築

漳河隄

在大名縣境明隆慶五年知縣李本意築

南接樓底舊隄至老隄頭止三十餘里北接龍王

廟舊隄至艾家口止二十餘里萬厯間知縣趙一鶴重築

大名縣護城隄 環抱舊縣郭外明正德間知縣吳拯築植柳千餘株嘉靖間知縣朱湘增築隆慶三年漳河決隄崩四年知縣李本意復築高三丈五尺濶五丈隄工堅固屢經水齧屹不爲動

老隄頭 在舊大名縣西北二里嘉靖間漳衛水逼縣城舊隄崩知縣諸偁復增築之以在護城隄外遂亦名二道隄

又有諸公隄或當卽此因係知縣諸公所築故名

草壩 在臨漳縣龐水村乾隆二十四年漳河決由

新併之夾河中三家棗林申橋韓道各村直抵府城知府朱煥領帑銀八千餘兩築攔河草壩一道計一百三十九丈自是漳歸故道歷年以來俱係里民脩築

鮑公隄 在魏縣明魏縣知縣鮑琦築

田公隄 在魏縣明知縣田大年築

蔣公隄 在魏縣知縣蔣芾創建

王居建有記見大名縣志

橫隄 在魏縣知縣來謙鳴築

漳隄 在魏縣南岸起自臨漳延袤八十里北岸自

成安五十里俱由魏縣抵元城界

王村隄 在元城縣南上接清豐延袤數十里

宋隄 在南樂縣東十八里黃河故道西岸自清豐

六塔河來宋至和二年脩六塔河熙寧四年以范

子淵爲都水提舉堤河使迨河決澶州遣使脩閉

元豐二年築河隄自大名至瀛州故曰宋隄又開

州南一里許亦有宋隄程明道先生判州時所築

復闢隄

在清豐縣南舊黃河北岸

開州志亦載蓋相屬耳

杜勝寨隄 在東明縣南六十里杜勝集迤北明嘉

靖十三年通判陳萬言增脩

長隄 在東明縣南六十里杜勝集南關外西接長

垣東入山東曹州界綿亘二百餘里明宏治間知府李璣築萬厯間屢加培脩知縣區大倫栽柳一十四萬餘株結根盤固萬厯二十九年三十二年河連歲決恃隄得無患

斷頭隄在東明縣南七十里長隄截其首故名

大隄 在東明縣南六十里杜勝集東起自河南舊胙城厯長垣東明入山東曹縣計長數百里

本行隄 在長垣縣南黃河之北綿亘二百餘里以

其聳峙蜿蜒屹然如山故名太行起自河南胙城厯滑縣長垣東明入山東曹州界隄之在長垣境

內者曰三尖口隄曰朱家河隄曰三春柳隄曰大

岡隄曰閻家潭隄曰油房村隄曰牛家口隄曰周
村口隄曰速報司隄曰常村隄曰新豐隄以上皆
明宏治中知府李瓚築自縣西北三十五里新豐
起至紙坊止延袤百三十里明萬曆十五年河決
荊隆口城南廣糧隄壞水東折將害張秋運河奏
聞遣工科給事中常居敬齋帑脩隄河院撫按道
府並集長垣時知縣劉學會周嗣哲先後監脩次
年春工畢隄高一丈五尺寬二丈置十二鋪僉夫
一百九十名以通判縣丞領之康熙六十年河決
釘船幫直注長垣甄家莊王家隄迤西北一段汕

刷成潭知縣趙國麟奉文堵脩及河塞於雍正二
年築甄家莊月隄一道長一百一十六丈王家月
隄一道長三百二十八丈俱高一丈頂寬二丈於
本年奉文撥歸山東曹縣太行隄一段自東明交
界起至曹縣止計長一千六百一丈五尺現在太
行隄延袤一百六里起自長垣西南二十八里隄
西村下至杜勝集入東明界

按以上三隄各州縣志分段各載當是一

隄連亘今仍採各州縣志分
俟後之有志脩築者詳考焉

海頭集隄

在東明縣東北二十里明嘉靖四十二

年脩

漆隄 在東明縣西十里縣北門外爲漆水縣西居
民築隄以障之故名俗訛爲七隄

孟華隄 在東明縣南二十五里柳園店南一里許
東抵山東界西入河南滑縣約長二三百里因胙
城廢縣有孟華潭由滑縣南界東北注衛南陂漫
衍於東明境內故築隄以障之因名

夾隄 在東明長隄北大隄南

東明縣護城隄 周圍八里許濶一丈高丈餘明萬
曆十六年知縣朱誥重脩有邑人副使穆文熙記
畧載藝文志順治七年河決荊隆口水衝城邑護

隄悉頽北關外中洲玉帶橋沒入漆河隄水與河
合流弗通來往康熙十年知縣楊日升重建玉帶
橋復築中洲脩理城隄植柳盤固數十年無患康
熙六十年河決釘船幫隄橋俱傾入河城外咫尺
卽爲巨浸縣城無復護衛矣

繇隄 在開州西十里繇治水所築

舊府志屬澹縣

韓村隄 在開州南七十里此隄外爲滑縣積水所
歸水一入境則下流無所洩故築隄以禦之

南隄 自河南滑縣入經開州東七十里鄆城鄉分
五道入山東茌縣界

北隄 亦在開州與南隄皆宋時遺蹟

司馬隄 在開州東南嘉慶八年河南封邱漫口黃

水自長垣東明流入州境知州李符濤州判李武
曾在司馬集捐僱民夫二千餘人築隄捍禦計長
七十餘里西北一帶莊村得免水患

靈平埽 在開州西南別駕里宋孫洙靈津廟碑熙
寧十年河決曹村明年四月治河者創爲橫埽之
法以遏絕南流五月朔新隄成河旋北流奏入詔

名埽曰靈平

查開州志載按宋史河渠志澶州有
漢陽大韓大吳商胡王楚橫隴曹村

依仁大北岡孫陳固明公王八凡十三埽蓋當時
河患頻仍故築隄下埽以遏其流今河已南徙諸

隄皆無存聊志其名以
示不忘患之意云爾

小務口隄 在長垣縣西五里起自縣西北青岡集
繚城東南至黃家道口六十里合長隄

防黃月隄 康熙三十一年河水盛漲長垣與河南
蘭儀會築長五里有餘雍正六年知縣胡承璘加
幫脩築長九百六十一丈高一丈一尺頂寬二丈

八尺底寬九丈設堡房三座堡夫五名土牛三十
架栽柳二千餘株乾隆十七年知縣嚴遂成補脩

長垣縣護城隄 長一千五百一十丈底寬二丈頂
寬一丈高五尺餘內外皆樹以柳雍正二年知縣

趙國麟築乾隆十九年知縣屠祖賚增脩二十八
年知縣吳鋼重脩

風俗

舊志稱大名爲古衛地跨河山之間其民剛武尙氣

力

本後漢書地理志

又云忠信質直君子深思小人任俠搢

紳先生過閭里數徒步不張車蓋青襟好誦讀小民重農桑勉力作憚爭訟有自少至垂白不入州縣庭者嗚呼何其盛歟魏晉以來陷爲戎馬之場兩漢淳美之俗不復覩矣唐隸魏州止以供范陽勁兵之費寢入五季叛卒盤據者近百餘年迨宋南渡後南北分裂兵革無虛日民生日蹙奚暇治禮義哉明興與民休息永樂建都北平爲近畿地衣冠文物燦然可

觀隆萬以後稍稍奢靡我

朝定鼎禮樂化洽民風丕變駸駸乎鄒魯之遺矣近
數十年漸趨浮薄民情健訟好鬪爭輒以睚眦脩怨
府之南境爲三省接壤游匪每多竄伏易於藏奸司
牧者不可不加意也今據各屬所記民間常俗志其
大略美惡亦可真見云

冠禮年近弱冠始行然多率略不循三加之儀

婚禮假媒妁先問名次納采娶必親迎時以昧且貴
賤通行世家用絲輿假先世威儀拜堂合卺三日廟
見拜舅姑次及尊長

喪禮士族或遵朱子家禮停柩中堂朝夕哭奠庶民
初喪男女羣走哭於城隍廟或土地神祠謂之押紙
三日焚冥資於廟謂之送盤纏取七日來復之義至
七日則祭至七七而止葬時前期行堂祭禮士大夫
家則有題主祠土而用誌表者亦少四鄉殷富之家
好作佛事甚至演劇作百戲遠近聚觀若觀勝會殊
屬惡俗

祭禮故家多建祠設主元旦元宵聚族拜享朔望日
入祠序拜如禮清明中元十月朔必祭於墓焚紙錢
遇忌或謁祠或拜墓間有過三週遇忌不復設祭者

士人無之

元旦昧爽長幼皆起盛衣冠設香燭禮神祀先家人
拜慶各以其次食設水角子親友詣門且帖互拜是
月親故交相宴會名曰年酒

上元日號燈節肆市通衢張燈結綵放花炬演扮雜
劇擊社鼓歡唱以爲樂家家作糯米團食之名曰元
宵

二月二日食煎餅黏糕俗名其日爲龍抬頭

三月清明節門插柳枝上墳祭掃

五月端午節門插蒲艾食角黍飲雄黃酒以辟五毒

婦女簪符於髻以辟邪惡以綵線繫兒臂名曰長命
縷午時採藥療百病

五月十三日祭武廟無城市委巷皆張綵設劇窮晝
達旦不減元夕間值沴旱必以是日爲雨徵

七月七日女子設瓜果穿針乞巧是月十五日爲中
元節祀祖先上墳祭掃

八月中秋節陳瓜果月餅拜月以果肴月餅相問餽
羽觴醉月以相歡宴名爲賞月

九月九日士大夫做古遺事率登高飲菊酒兒童放
紙鳶爲戲民間食棗糕謂之重陽花糕

十月一日祭墓用五色紙作冥衣焚之曰送寒衣
十一月冬至日食冰角前夕民家瀆酒告先亦有行
拜賀禮者士子拜受業師如新年禮

十二月八日雜煮米豆棗栗爲粥曰臘八粥謂食之
可以辟瘟二十三日祀竈除夕祀先祖拜尊親曰辭
歲或夜飲達旦名爲守歲更桃符飲柏酒比戶爆竹
聲終夜不絕

方物

五方之產不一大抵名山大川必多金玉珠璣丹砂
翠羽珍貴瑰奇之物大名土地平曠其民人習於耕
稼不尚鏤飾其種植土宜皆取適用州邑之間庶幾
長厚務本矣今但取各屬所恒有者分類以著於編
穀之屬

黍

稷

麥

有大麥小麥蕎麥之不同小麥最
貴重大麥次之蕎麥秋熟又次之稻

稔

豆

其類最繁有白豆黑豆豇豆
綠豆豌豆扁豆青豆各種

蜀秫

俗呼
高糧芝麻

蘇麻

玉蜀秫

白穀

黃穀

蔬之屬

白菜 葱 韭 芥 勺頭菜 蘿蔔 胡蘿蔔

蔓菁 眉豆 著蓮 蒿苳 芫荽 蒜 薑 茄

莧 俗名杏仁菜 馬齒莧 芹 波稜菜 山藥 銀條

蘑菇 甘盧 荷蒿 紅薯

果之屬

梨 棗 桃 李 杏 梅 柰 杜梨 沙果

柿 石榴 羊棗 葡萄 櫻桃 核桃 文官果

楸子 蘋果

瓜之屬

西瓜 王瓜 菜瓜 甜瓜 南瓜 倭瓜一名冬瓜 筍

瓜 絲瓜 瓠子 葫蘆 酥瓜

木之屬

槐 榆 柳 松 柏 栢 楸 椿 楊
楮 棟 桑 棠

草之屬

蒲 葦 荻 蘆 苜蓿 蓬 蒿 茅 紅藍
莎 莠 稗

花之屬

蓮 牡丹 芍藥 菊 萱 葵 木槿 千葉桃
海棠 月季 扁竹 米堯 牽牛 玉簪 刺梅

薔薇 夜合 雞冠 石竹 小葵 玫瑰 碧

桃 藍菊 蓼 四季槐 白丁香 紫丁香 鳳

仙 紫荊 蔦蘿 秋海棠 臘梅 金盞 迎春

蘭 千葉榴 長春

藥之屬

益母草 荊芥 車前子 兔絲子 薄荷 枸杞

阜角 桑白皮 香附 地黃 天花粉 花椒

蘇子 遠志 忍冬 天南星 紫花地丁 茵

陳 蒼耳 艾

禽之屬

雞 鴨 鵝 烏 鵲 鳩 燕 鴿 雀 黃鸝
鳧 鸕 鷺 鸛 鶴 鶻

獸之屬

馬 牛 驢 騾 羊 犬 豕 狐 狸 貓
兔 刺蝟 鼠 獾

鱗之屬

鯉 鯽 鰕 鮎 白鯧 魷 鼈

蟲之屬

蠶 蜂 蝶 螢 蟬 促織 蟋蟀 蛙 蠅
螳螂 蚯蚓 蜻蜓 蝙蝠 蝸牛 蚊 蟻 螻

蠖 蝓 蛇

蝎

貨之屬

棉花 布 絹 棉綢 硝 土鹽

古蹟

宋北京城 卽大名舊城在今府城東十里唐魏博

節度使樂彥禎所築也周八十里宋契丹南侵呂

夷簡議建北京以聲扼河朔當時百官宮殿略如

都城宋史慶歷二年建大名內爲北京內城周三里外城周四十八里其門殿諸

名及留守各職俱詳載宋史地理志并職官志舊

志采入今省

无城舊城 其地有三皆在府城東一爲漢治近沙

麓一爲隋縣治古殷城一爲唐縣在舊城東北外

有城堙之跡六曰西城故城雙城莽城陷城五孝

城並在元城縣東今俱爲村

貴鄉故城 在府城東十三里

昌樂故城 在南樂縣西北三十五里俗訛爲昌意
城謂黃帝子昌意所築

平邑故城 在南樂縣東漢元城縣地唐馬燧嘗提
兵至此亦名馬燧營

繁水故城 在南樂縣北四十里

頓邱故城 在清豐縣西南二十五里

陰安故城 在清豐縣北十五里

離狐故城 在東明縣東舊傳初置縣在濮水南嘗

爲神狐穿穴遂移城濮水北故曰離狐唐天寶中

改曰南華

濮陽故城 在開州西南二十里

昆吾故城 在開州東二十五里

匡城故城 在長垣縣西南十二里

平邱故城 在長垣縣西南五十里

長羅故城 在長垣縣北漢封爲侯國後省

陽狐城 在府城東北

幾城 在府城東南

空陵城 在府城東北

葛築城 在府城西南戰國趙成王與魏惠王遇於
葛築卽此

銅馬城 在舊魏縣漢光武征銅馬所築

衛城 在清豐縣東四十里世傳衛靈公避暑處

聶城 在清豐縣東北十里春秋僖公元年齊師宋
師曹師次於聶北卽此

剛平城 在清豐縣西南史記趙世家敬侯四年築
剛平以侵衛卽此

觀澤城 在清豐縣東

孫固城 在清豐縣東南十五里

德清軍城 在清豐縣西北本舊澶州石晉改置頓

邱鎮爲德清軍後復移軍於陸家寨

武父城 在東明縣春秋桓公十二年盟於武父卽

此

漆園城 在東明縣東十里卽莊周爲吏處舊有遺

遙園今廢

煮棗城 在東明縣東十里

外黃城 在東明縣西南四十里

戎城 在東明縣西南十里水經注濟水東過戎城

蓋裕訛爲盈今復名滿城

袁本初城 在東明縣北七十里袁紹築

賊城 在開州城北十里衛孫林父私邑東卽子路

墓

清豐志亦載入云介
澶頓之間今屬開州

五鹿城 在開州西南三十里左傳晉伐衛取五鹿

卽此

按五鹿有二一在州境一
在元城卽沙鹿見山川門

浚城 在開州南春秋衛邑詩在浚之城卽此

顛頊城 在開州東二十五里一名東郭城

鄭城 在開州東春秋衛地

德勝城 開州有南北二城今州治爲北城又有城

在東南五里爲古澶淵改名德勝五代時晉王存

勗所築夾寨卽此

皇城 在開州城西南宋眞宗駐蹕處內有離宮文
彥博嘗刻御題幸澶淵詩於其中

須城 在開州東二十八里詩思須與漕是也

鹹城 在開州東南六十里春秋衛地

懿城 在開州西北左傳襄公二十六年晉取衛西
鄙懿氏六十以與孫氏卽此

團城 在開州東春秋衛地

干城 在開州東北詩出宿於干卽此
清豐志亦載
人以今輿圖

考之應
屬開州

龍城 在長垣縣東南二十里夏關龍逢所居

鶴城 在長垣縣西南十七里衛懿公養鶴處

婦姑城 在長垣縣南十里舊有婦姑廟今移南關

或曰衛莊姜死國人愍而視之

祭城 在長垣縣東北鄭大夫祭仲采邑

訾婁城 在長垣縣北春秋衛邑

漆城 在長垣縣西二十里一名宛亭地近濮水甯

武子與衛人盟於宛濮卽此

襄城廢縣 在府城東屬魏郡漢封爲侯國

馬陵廢縣 在府城東南五十里隋置縣大業初廢

入元城以故馬陵道而名

洹水廢縣 在府西南六十里

臨河廢縣 在開州西六十五里本漢黎陽縣隋析

置臨河金省入開州

澶淵廢縣 在開州西二十里義井里

魏縣廢縣 魏縣舊縣距府城五十里舊志魏縣廢

縣有二一在于村渡西五里一在洹水鎮自乾隆

二十三年以魏縣分隸大名元城併今舊縣皆爲

廢縣矣

大名廢縣 在府城南五里乾隆二十三年移縣治

於府城縣城遂廢

清豐廢縣

在清豐縣西北十八里宋因水患徙今

治

東明廢縣

在今縣南三十里南東明集舊志所

謂東明鎮

在今縣西十五里西東明集舊志所

謂雲臺集

長垣廢縣

一在今縣東北四十里漢置一在今縣

東北十餘里金置明洪武中以河患遷於古蒲城

卽今治

帝邱

在開州東顓頊所居故名春秋時衛成公自

楚邱徙居於此

鐵邱 在開州北戚城南卽衛太子望鄭軍處

旄邱 在開州西古衛地詩旄邱之葛兮卽此

清邱 在開州東南七十里春秋宣公十二年同盟於清邱卽此

瑕邱 在開州東南十八里禮記檀弓公叔子升瑕邱遽伯玉從卽此

學堂岡 在長垣縣北十里土皆赤色孔子聘列國與弟子講學於此

龍淵宮 在開州西齋別駕里漢武帝元光三年河

卷之五
三
決濮陽泛十六郡發卒十萬救決河起龍淵宮

宣房宮 在開州西南十七里瓠子隄上漢武帝塞

瓠子河築宮其上一作宣防

大賢店 在開州北三十五里相傳孟子設教於此

潛龍院 在舊澶州城內後唐明宗與宋太祖兄弟

俱隱跡於此先名御店宋徽宗改爲潛德觀

魏武侯臺 在府城南十里魏武侯所築

惠王臺 在府城北十里魏惠王所築

銅亭 在舊大名縣東北五里戰國時壇坫會盟處

禮賢亭 在舊魏縣東南二里魏文侯禮段干木處

明萬曆年重築

蓋公臺 在魏縣東南八里漢蓋寬饒築

三娘子臺 在南樂縣西二十里相傳宋時河決守

隄官罪當死其季女痛父死自投於河其河遂塞
後人於其處築臺立廟祀之今廟廢

崩贖臺 在清豐縣西衛太子望鄭軍投車處卽鐵邱

雉臺 在清豐縣東南五里俗名金雞臺

東臺 在東明縣東北十五里卽古窻句縣

西臺 在東明縣東北十里卽唐南華縣

文臺 在東明縣東北晉文公所築

秦臺 在東明縣西南二十里始皇東遊至此昏霧
四塞築臺以厭之故名

霸王臺 在東明縣北五十里秦圍趙楚懷王遣項
羽救之駐軍於此

康王臺 在東明縣東南五十里宋高宗募兵入援
時築

重華臺 在開州南衛靈公坐重華之臺侍御數百
仲叔圍諫乃出宮女民大悅

烽火臺 在開州東南濱河土臺連絡相望蓋五代
及宋初所築以備眺望車馬處

騎山樓 在舊府治之西園又別置東園皆韓魏公

建

秦女樓 在南樂縣西十里

披雲樓 在開州南宋真宗幸澶淵時建

安正堂 在舊府治韓魏公建堂三一日安正二日

養善三曰雅集

眾樂堂 在舊府治文彥博留守時建

觀德堂 在舊府治西園後周符彥卿創建宋馮京

留守時易名又有清心堂亦京所建

賢樂堂 在舊府治宋黃庭堅判大名時築

愛景堂 在開州城內宋何承矩建

沙亭 在府城東南春秋定公七年齊侯衛侯盟於

沙杜預注元城縣東南有沙亭

金波亭 在府城東五代王彥章屯兵處

呂公亭 在舊府治呂夷簡爲留守時建一名許公亭

喜雨亭 在舊府治五代王彥超爲魏郡守禱雨有

應因名

晚香亭 在舊府治後圃韓魏公留守時九日宴諸

監司句云莫嫌老圃秋容淡惟愛黃花晚節香因

以名亭自明初移今治舊亭遂廢隆慶間知府王

叔杲創賓館於今治東作亭曰挹芬搆晚香堂於其後以存魏公遺蹟

雪香亭 在舊府治魏公留守時於壓沙寺種梨花千株花時邦人來遊公因造亭花間取唐人梨花白雪香句名之後文潞公彥博賦詩刻石

望春亭 在舊府城南韓魏公築春月宴會其中有此日傾城樂御河之句

九思亭 在舊府城內文彥博建

倉亭 在南樂縣西二十里其地有倉頡造書臺亭因以名

杖花亭 在南樂縣西南八里宋元祐間睢氏故園
翠香亭 在南樂縣西三里礪固村元僉省王珍築
中多奇花異卉當時人稱王相公花園

夢山亭 在南樂縣西二里隱士張淳築前有古文
山其上三峯東崖曰月窟西崖曰雲堆今遺址猶
存

好禮亭 在南樂縣東一里元大德間處士石子甯
築

致樂亭 在南樂縣元孝子樊子清築爲其親避暑
之所

瑤碧亭 在開州治西南五代時建

長樂亭 在開州長樂里曹村莊相傳顓頊避暑亭

臨河亭 在開州宋真宗駐蹕澶州建浮橋登臨河

岸賜澶州父老錦袍茶帛

操刀營留胄營 在南樂縣西北三十里西爲操刀

東爲留胄世傳武王伐紂諸侯會此操刀而進及

克商復駐此留胄以示不用

建成營 在南樂縣北八里唐武德中世子建成駐

兵於此

五花營 在南樂縣北十八里唐河北五鎮嘗會兵

於此故名

王彥章營 在南樂縣南門外五代時彥章駐兵之所中有五龍廟今廢

漢軍營 在東明縣東南六十里漢高祖駐兵處

黃軍營 在東明縣大善集西南三里明洪武初徐達奉命取河北遣宜春侯黃彬出大名路駐師於此諸縣皆望風歸附因名

長羅澤 在長垣縣東漢吳祐常牧豕澤中行吟經

書東明志亦載入

蘧伯鄉 在長垣縣東水經注蘧伯鄉一名新鄉有

遵亭

龐居士莊 在東明縣東南六十里舊賢寺後縣志
居士漢時人世居此鍊行成道遺址尙存

昭德里 在開州城內宋太子少傅晁迥舊居

素園 在府城內東南隅明少保成基命休沐處今
深柳堂尙存

晁園 在開州城內西北隅西湖旁明司業晁璠別
業

紅翠山莊 在開州明大理寺卿史褒善別業

甘泉井 在舊府城南狄梁公祠提督劉良佐所淘

也

琉璃古井 在舊魏縣西南三十里其甃非磚非石
自口至底一片琉璃中嵌方石尺許刻東塔西井
四字無年紀可考

御井 在開州治南泉極甘冽宋真宗駐蹕時所鑿

陵墓

顓頊陵

在開州西清豐縣志亦載入

案高陽縣志亦有顓頊塚傳

爲葬衣冠處宋史禮志政和二年定歷代帝王陵寢祭高陽氏於澶州明史禮志洪武四年禮部議

滑縣祭顓頊會典

顓頊陵在滑縣

帝嚳陵

在開州西

按清豐志帝嚳高辛氏在位六十有三載崩葬頓邱城南秋山

所謂頓邱臺也皇覽曰在頓邱城南以仲春祀帝嚳於頓邱

赫胥陵

在南樂縣東四十里胥方胥平二村之間

舊有指路碑洪武間廢今惟陵存

倉頡塚

在南樂縣西三十五里吳樓村西有祠

案舊

有張夢山碑今廢明郡人李岳爲記知縣楊守誠立碑墓前曰倉帝陵或曰頡黃帝史官

夏關龍遙墓 在長垣縣南龍城東墓側有祠

周太公墓 在東明縣南四十里郭堯屯舊名姜照

村 按一統志載咸陽臨淄范縣皆有公塚恐咸陽爲是蓋公雖封齊未嘗之國此必衣冠塚耳

衛康叔墓 在開州北通志魏書地形志衛國有衛

康叔塚

柳下惠墓 通志在開州東南柳村里開州志在州

東南大寨村 按開州南八公橋有柳下堆傳爲和聖墓明勢家劉松潭以春秋供祀殷

繁移堆前石記於劉家大寨古堆前因以彼爲和聖墓而柳下堆之墓遂廢 又按開州有柳下屯

長垣縣舊城集有柳家村村以冢名或墓在此與姑存其名以俟考

展雄墓 在開州東展邱里傳爲柳下惠弟

衛靈公墓 在長垣縣東十里墻裏村史記公葬於

蒲卽此

蘧伯玉墓 在長垣縣南十五里瓦棚村開州志云

在州南蘧村

按伯玉墓有四長垣其一也一在汲縣西北三十里一在獲嘉縣東北君

子村按後漢書郡國志云陳留郡長垣侯國有匡城唐章懷太子賢注引陳留志有伯玉墓水經注

云長垣縣有蘧伯玉岡陳留風俗傳云長垣縣有蘧伯鄉蘧亭伯玉家文選曹大家東征賦注子穀

爲陳留長大家隨至官作東征賦中有云到長垣之境界察農野之居民又云蘧氏在城之東南兮

民亦尚共邱墳洵爲可據開州志引魏志濮陽王袁云昔衛大夫蘧瑗葬濮陽按濮水歷長垣東明

開州人濮州界則所該甚廣不必定指開州一境耳以上節錄陽湖楊元錫蘧伯玉墓考

晏嬰墓 在東明縣西南四十里

按舊志嬰齊人相齊今山東臨淄縣

有嬰墓當是東明祠宜
撤按祠明嘉靖元年廢

閔子騫墓 在東明縣西北二十里徑五十畝名損

城旁有祠有司歲時致祭
按開州志亦載云在州南百里舊府志云閔子

終身不仕何以客死葬此今濟南有閔墓當是

公西華墓 在東明縣閔子墓東二十餘步徑五十

畝旁即西華村與閔子並祀一祠

季路墓 在大名境者有三一在清豐縣西南三十

里趙讓村一在開州北十里
舊志在州東門外州志趙鞅圍蒯瞶於戚

子路死一在長垣縣東門外
縣志子路治蒲死難後蒲人多思之葬蒲

為近是按禮記檀弓子路之死不獲其尸安得有墓殆後人慕其賢哀其死設為葬處以寄思慕云

王孫賈墓 在開州西舊府志云在東明縣東南五

十里

孔悝墓 在開州西寔宇記在頓邱縣北三里按知州李

符清云孔悝墓或云在戚城予嘗登戚城見東有二墳高如小邱詢之土人云孔悝及其母孔良娣

墓然有碣已失未知確否

莊周墓 在東明縣東北十里漆園城墓前有廟按

縣楊曰升碑記云重建啟土約五尺許出泉一深丈餘清冽異常省役人遠汲之勞鄉人有取以愈

疾者僉謂靈泉云更有先生修真之所在裕州屯卽古逍遙園也有地三十六畝以供祭典東明

志又云日升知東明訪周墓至城東北十里許見古邱高數丈指之曰此周墓也詢居民果皆莊姓

遂建祠春秋設祭後命工塑像於墻壕內得莊子瓦像人皆異之

漢審食其墓 在清豐

婁敬墓 在開州東南六十里

汲黯墓 在開州西南六十里

案地當在滑縣界東
郡志云地屬白馬縣

卽保汲村是也今春
秋祠祭皆在開州

蓋寬饒墓 魏縣舊志在縣東南十八里李家口村

北舊有斷碑磨滅不可識

國朝知縣王清彥立石記之

按明一統志及府志均
謂在縣東南八里德政

村爲水所衝
附載闕疑

王翁孺墓 在元城故城東二百步新莽時置園寢

祠守

按翁孺名賀漢
孝元成皇后祖

吳恢吳祐墓 在東明縣西二十里吳家村漢吳恢

及其子祐葬處今石人石獸猶存村居吳姓卽其

苗裔

五女墓 在開州臨河廢縣西三十里漢太倉令淳

于意五女葬其父處

漢書刑法志文帝十三年齊太倉令淳于公犯罪當死乃

嘆曰生女不生男緩急非有益其女緹縈隨父至長安上書求人爲官婢贖父罪帝感之除肉刑赦淳于之罪後卒五女共葬於此按

舊府志五女墓在大伾山麓屬濬縣

晉束皙墓 在元城縣東館鎮

劉伶墓 在清豐縣武強鎮北一里

按通志安肅縣西亦有此墓在

張華村

杜康墓 在清豐縣武強鎮北一里按劉伶杜康俱溺於酒以逃名

濁世者也葬不當在此

吳隱之墓 在開州西聶堠村

唐張公謹墓 在南樂縣西三十五里王村堤西故

繁水城南

工部尚書羅公墓 在大名縣北十八里舊志作宏信按唐書

宏信卒於光化六年公乘億神道碑云公卒於乾符三年兆於貴鄉縣蔡村里官階事蹟與宏信無

涉舊志疑誤

單雄信墓 在東明縣治東北隅知縣程允仁碑云墓顛向有祠宇三

盤漸頽康熙初役夫畚鍤及墓尺許見鐵兕鬚大如斗愈掘愈下不可得雍正六年易祠而新之小

單墓在東明縣東十里傳爲雄信子雄信壻符單墓在東明縣東南七里按東明城卽大單集改建疑將軍故里也

張果墓 在清豐縣新莊集

五代後梁王彥章墓 在開州南徐鎮里一名忠陵

後唐劉太妃墓 五代史家人傳同光三年五月太

妃薨葬魏縣

後晉劉太后墓 五代史晉出帝本紀天福七年八

月葬皇祖母於魏縣 以上二墓均不詳其處

王清墓 在南樂縣西北三里清爲晉奉國軍都虞

侯開運時契丹南侵戰死葬此

後周太祖劔甲墓 舊志在大名縣南八里太祖臨

崩遺詔葬此

宋贈駕部郎石知濂墓 舊志在大名縣北十八里

石本崇墓碑公生五代幼孤以孝聞以子道簡貴贈駕部員外郎太平興國二年卒葬府城南太趙里時大中祥符八年十月八日也按大名縣志作知謙誤

晁宗慤墓 在清豐縣西四十里有石門花甌封識

尙固 舊志云在縣東四十五里

劉忠定公墓 在元城縣東北三里

王棣墓 在開州東門內金沙山 宋建炎間棣守開德棣出弟彭年代

領金人攻降之棣歸殪其守卒嬰城固守金兵大至屠其城兄弟皆死人爲瘞骨立塚如山名金沙

山按舊府志
作楊棟誤

郭申錫墓

在元城縣孝義鄉

官宋待制

韓義墓

在南樂縣東十里姬干村林木千株舊有

碑今廢

劉總管墓

在郡城北二十五里

畢節度墓

在府城北五十里

以上二人
時代無考

金防禦使李國棟墓

在南樂縣東一里學士王諤

撰神道碑今廢

元王編脩執謙墓

在大名舊志不詳其處

虞集墓
表云皇

慶癸丑二月王君伯益卒于京師踰
月其弟自大名歸其柩葬之先塋

朝列大夫張積墓 魏縣舊志在縣西南三十里

金侍郎良墓 舊志在縣北十五里

大名路達魯花赤昔里益立山墓

按元史作昔里銖部唐兀人卒年六

十五贈太師諡貞獻王揮神道碑云至元戊寅葬公大名縣臺頭里新阡舊志明叅政李觀益十七

世孫葬益墓南

中議大夫總管劉珪墓 在府城內普照寺前乾隆

四十七年居民掘土見之張希顏撰碑銘云珪由

大理署丞歷中議德安等軍民總管妻廣平寶氏

至大二載八月合葬於大名縣賢相鄉油盆里今

附治北郭外村名油粉幢卽古油盆之訛也

僉省王珍墓 在南樂城西二里舊有碑別有祠在

縣治興文坊今俱廢

處士張淳墓 在南樂縣西南二里里中稱爲夢山

先生

處士傅西溪墓 在南樂縣岳儒村西南

御史武良弼墓 在南樂縣城北二里村以此名

劉總管九江墓 在南樂縣南八里吉兒店村今廢

秦總兵墓 在南樂縣東北十里平邑村東元至正

間葬有神道碑石門刻曰昭遠將軍秦公之墓翁

仲石獸俱存

彭公墓 在清豐縣留窰村有元時石記

皇始墳 在清豐縣南二十里

杜欽墓 在開州西南二里許至正間爲州錄事歿

葬於此

案欽清豐人縣志載入宦業門

明道郎真人墓 在開州洪洋山今廢

郭忠烈嘉墓 在開州郭家寨

李家奴墓 在開州元贈冀國公

許元帥墓 在長垣縣東北十里邱村有斷碑

明吏部考功司郎中申旆墓 在府城西三十里牛

嘉曠

僉都御史郭思極墓 在府城西四十里棗林村

副都御史鄭國仕墓 魏縣舊志在縣東二十五里

刑部尙書李養正墓 魏縣舊志在縣東三十五里

有華表石器大學士成基命誌銘

兵部右侍郎贈右都御史李景元墓 在府東八里

舊城南門口有華表石器

工部尙書劉遵憲墓 在府城西北八里軍莊有華

表石器

工部侍郎郭增光墓 在舊大名縣東郊有華表石

器

少保成基命墓 在府南關靖家橋有華表石器大

學士孫承宗誌銘

尚書楊泰墓 子鐸廬墓所築在南樂縣東北十五

里韓村西

康子明墓 子祥廬墓所築在南樂縣東北十二里

吳樓村

王林墓 孫口廬墓所築在南樂縣東半里許

通判累贈大學士魏怡墓 在南樂縣南關外長子

兵部侍郎允貞次子吏部主事允中季子刑部主

事允孚孫大學士廣微俱奉勅修神道碑石門翁

仲石獸咸存

尙書李從心墓 在南樂縣城南魏家莊東奉勅修
神道碑石門翁仲石獸俱存

御史梁天奇墓 在南樂縣城東郭村奉勅修神道
碑石門翁仲石獸俱存

朱旺墓 在舊東明縣南十里明勅修威寧伯墓也
朱海墓 在東明縣南四十里明勅修朱都司墓

姜千戶墓 在東明縣治西南隅公宣府衛人正德
間奉命勦捕流賊戰死於此因葬之云

喬指揮墓 在東明縣西北三里許公正德間奉命

勦薊賊劉六等戰死於此因葬之詳見宦蹟誌舊誌

失載

石司馬星墓 在東明縣北漆河岸與其子金吾公

茂恩歸然兩塚耕犁周環荒涼殊甚購土樹表剪

除荆榛於尚義之君子有厚望焉

于解元墓 在開州舊志名慶嘉靖中知州周道光

給墓田立石

大理寺卿李珪墓 在開州西六里舊志嘉靖二十

九年勅建

尚書趙廷瑞墓 在開州西南三里舊志嘉靖三十

年勅建

尙書王崇慶墓

在開州東南三里舊志嘉靖四十

四年勅建

尙書董漢儒墓

在開州西南五里舊志崇禎二年

勅建

都督白進寶墓

在開州小城村劉家堤口

長垣知縣焦昉墓

在長垣縣城內蘧子祠左側舊

志明嘉靖四年知縣王三省表其墓萬曆二年知

縣胡宥於墓四圍環以高垣建門樓

國朝乾隆五十七年署知縣方其昫捐祭田十四畝

地在匡城集每歲收租息爲祭費

戶部右侍郎胡錠墓 在長垣縣西三里胡家莊

封兵部侍郎贈少保尙書李棟墓子兵部尙書贈太

師諡襄毅李化龍墓均在長垣縣南十里傅家隄

吏部尙書贈少保崔景榮墓 在長垣縣東三十五

里榆林村孫蒙陰縣殉難知縣封墓在縣北關外

曾孫工部右侍郎徵璧墓在縣北二十里鄧岡

少保吏部尙書王永光墓 在長垣縣南十里木掀

店子封榮祿大夫鑠孫鑾儀衛都督同知鑾儀使

鵬沖均耐葬

山西按察使邵永春墓 在長垣縣南七里高家店

巡撫順天都御史成遜墓 在長垣縣南十里金家

寨

刑科左給事中楊文昌墓 在長垣縣南五里懋家

屯

總理七省兵部左侍郎王家楨墓 在長垣縣西一

十里邢堦堤

慶陽府推官靳聖居墓 在長垣縣北八里楊家樓

國朝少傅成克鞏墓 在府西七里漳河涯有華表

石器大學士張玉書誌銘

游擊將軍張可久墓 魏縣舊志在縣東南三里

右都督張成福墓 在長垣縣東一百二十里

孝感縣殉難知縣邵炳元墓 在長垣縣傅家寨前

孝子白水縣知縣崔九圖墓 在長垣縣西北八里

馬家寨子詹事府詹事蔚林墓在縣北鄧岡

大名府志卷之六

城池

大名府舊城在城迤東八里唐魏博節度使樂彥禎所築周八十里號爲河北雄鎮宋慶厯間建爲北京百官有司略如東西京故事金元以來數罹兵燹多有殘毀明洪武三十四年圮於水都指揮吳成始徙建今城周圍九里高三丈五尺廣二丈五尺池深四丈五尺濶倍之四門東曰體仁南曰崇禮西曰樂義北曰端智門外皆有橋成化八年知府熊祥又建層閣於四門之巔宏治中御史韓福石祿相繼守郡復

加增築嘉靖四十年知府姚汝循以土垣易圮甃以
磚先是副使陳大賓於學宮前別開一門在嘉靖三十九年
隆慶四年知府王叔杲以此門不利科第仍塞之萬
曆二十年城外大水城幾壞知府塗時相於城基密
釘椿木加培鞏固自此屹如金湯矣

國朝康熙十二年衛水泛溢齧城知縣陳偉補葺二
十年知府鮑復昌再葺四十九年知府俞品增脩女
墻乾隆二十二年大名縣知縣勞敦樟請帑重脩後
漸圯損道光十年知府辛文泚勸捐脩補一律完
整并以餘貲繕葺關帝城隍兩廟

大名縣舊城在府南少東八里木金時屯營明景泰間典史邵瑢卽址列城周五里有奇東西二門嘉靖二十七年知縣單舜欽增設南門隆慶三年知縣李本意萬曆三十八年知縣趙一鶴皆以水圯重脩國朝康熙間知縣顧咸泰再葺乾隆二十二年漳水溢城圯二十三年移治府城舊治遂廢

南樂縣城舊土城元季樞密副雕鶚建明宏治間知縣王德陳邦器增脩周六里有奇嘉靖初知縣周昊再脩十五年知縣葉本易四門城堞以磚環城開壕十六道三十四年知縣路王道大加增築盡甃以磚

崇禎十二年知縣鎖青縉增脩

國朝順治五年至八年屢經水患知縣蔡瓊枝屢脩不致大壞康熙十二年知縣方元啟復脩葺

清豐舊城在縣西北十八里宋因水患遷今地周五里有奇宏治間知縣陸崑嘉靖間知縣李汝寬俱增築萬厯初知縣雒子仁周鉉疇重脩四十五年知縣黃文星添脩城上奎樓天啟四年知縣潘士聞重脩四月城崇禎八年知縣張星悉易以磚

國朝康熙十三年知縣楊燦捐資重葺

東明縣舊城遷徙無定漢時東民舊故城坐戶牖鄉在

今儀封境內宋改置果明縣坐潘岡在今蘭陽境內
後徙東明鎮又徙雲臺集明宏治四年知縣宮顯始
建今城周七里有奇正德間知縣劉鸞嘉靖間知縣
王確王嘉言俱重脩四十年知縣高文卿改脩南門
自是科第鼎盛隆慶間知縣張正道萬厯間知縣沈
榜朱誥區大倫常澄裴棟遞有增葺崇禎十二年知
縣崔育榎悉費以磚

國朝順治間知縣楊素蘊陸壽齡重脩康熙間知縣
楊日昇復建四門城樓兼脩護城隄環隄植柳并脩
南關石橋

開州城五代梁時李存審所建夾河爲柵南北二城相直後晉天福三年自舊澶州移治夾河宋熙寧十四年南城圯於水獨守北城前方後圓形如半月周二十四里明宏治十三年知州李嘉祥增築高三丈五尺廣三丈門四池深一丈五尺濶三丈然城中地濶人稀虛其西北二隅漸成陂澤州人呼爲西湖正德間同知潘埴建議徙鄉富民填實之嘉靖十三年知州孫巨鯨重脩二十五年知州李一元易以磚隆慶間知州湯希閔萬曆間知州張三聘沈堯中李之藻以次補葺崇禎五年知州王直臣重修門樓增築雉

堞

國朝康熙五年地震角樓盡圯知州孫棨捐俸脩葺嘉慶元年知州楊自強重修道光二十七年署知州雋家麟知州毛永柏增脩於城上東南隅添建

文峯塔一座

制府委易州理事通判穆翰監工二年而戴事

長垣縣城金泰和八年避水患徙治於柳冢地又名鮑垆卽今之舊城集元因之明洪武初縣丞劉彥昭始移置今城僅而土城二里有奇正統十四年知縣蕭翼拓城周八里高二丈建四門成化初知縣孫剛建門樓成化十年知縣王輔增築加高濬池廣四丈

餘宏治間知縣貢安甫白思誠相繼脩濬正德七年
知縣盧煦增脩十年知縣張治道增脩甕城敵臺各
四嘉靖間知縣馬聰劉文玉黃國華柴宗義隆慶間
知縣孫錄胡宥萬厯間知縣袁和俱重脩崇禎十年
知縣王虛白始改築磚城高二丈五尺池深一丈五
尺濶四丈六尺

國朝康熙十年知縣宗夢補脩二十七年知縣秦毓
琦孫子昶相繼重脩雍正元年知縣趙國麟築護城
隄乾隆三十三年知縣吳鋼詳請重修五年而工竣

署解

貢院爲學使按臨行署在道署西大名縣倉隔壁署前照壁轅門東西鼓吹樓各一大門三楹東官廳三楹巡捕官居之西房三楹看院人及水夫居之大門內二門爲奎樓計三楹東西角門各一學使點名廳三楹提調點名廳一二門內大堂三楹東西文場共二十二楹西院內巡捕廳三楹大堂內二堂五楹捲棚一間穿廊三楹學使辦公見賓之所再後北堂七楹學使下榻處德文莊公保題額交翠軒以院中古柏二株虬枝鐵幹蒼翠參天與晚香堂之柏相亞洵

古物也

按沈西雍太守濤交翠軒筆記叙云庭有古柏二株繁蔭翳日椽枝摩穹天矯孳攫奇態

萬狀甫里惟魁之松樂圃並秀之檜殆無以過

東西配房各三楹幕友居之

穿堂東西偏房各數楹爲司閤所居及吏役辦公之處內院東有廚竈等房十餘間西南厠溷一所交翠軒後隙地一區僅存樹株按試院舊爲御史行臺故又呼爲察院云

兵備道署在南門內西街明正德間設大名兵備道崇禎十二年改設順廣兵備道

國朝屢經改併至雍正十一年乃爲大順廣兵備道兼管河務駐大名府城內乾隆五十年前任熊恩紱

借俸脩理五十三年繼任龍舜琴重脩移官舍於舊署西偏用彤家言大堂居署巽方前爲儀門門內爲東西科房又前爲大門爲照壁大堂之後迤西爲宅門內爲二堂後爲三堂再後爲內宅東偏爲客廳又東爲存愛齋又東爲飲香書屋西偏爲書室垣外迤西爲龍神廟前有醴泉今湮前總督白秉真碑記尙存

見藝文及金石志

西爲馬廐再西爲西園前道憲何公俊

所闢構草堂三楹前砌石闌鑿池二植蓮其中雜蒔花卉公餘藉資游憩焉

大名府署在南門內東南隅明永樂初知府倪天興

自故城徙置創廳事曰承宣堂前列六房後爲退思堂退思之左爲永昌庫右爲軍器庫最後爲鎮樓高數仞自正堂而南爲御碑亭爲儀門衙舍大小凡八區而吏舍不與焉嘉靖三十六年知府李遇元增脩隆慶間知府塗時相顏大堂曰冰玉堂後爲宅門建廳五間題曰景韓堂蓋景仰魏公之意卽今二堂再後爲二香堂雍正間知府曾逢聖題額因魏公留守時有晚香雪香二亭故名又北爲四堂爲五堂皆內宅儘北爲準提閣閣三重東西南三面窗戶洞開可以眺望卽前守倪公所建鎮樓也二堂以東爲客廳

又東迤北爲晚香堂以存魏公名蹟古柏參天老槐
匝舍堂內外壁間多名公題詠石刻訪古者每留覽
焉

方元煥行草書
筆勢尤天矯

其地卽明季前守王叔杲所築賓

館故址也館中向有挹芬亭後圯康熙間知府周邦
彬就前守塗時相所遺襲香亭舊基移建焉而重構
襲香亭于其北中間迤東有嘉穀亭爲知府鮑公建
今廢少傅成克鞏所作碑記尙存後二亭亦均就圯
遂改挹芬爲桂香閣以祀文昌改襲香爲關帝廟以
鎮衙署而前守周公所增之介石居聽嚶軒迴廊等
處仍沒爲庖瀟勝跡渺不可問矣二堂之西爲清風

書屋前學使吳應棻題幕友所居也垣外迤西爲馬
廐儀門外東西兩夾道建坊二大門內東爲衙神廟
西爲府獄今廢寄囚于兩縣監署前左右舊有鐘鼓
樓

國朝康熙四十三年知府謝淳撤毀並除去明御碑
亭後各任屢經繕葺皆未大脩故無碑記可考

同知署在東明縣城內舊在府署東偏乾隆十年移
通判署於東明道光十二年奉裁卽移同知於東明
城內仍居通判舊署

經歷署在府署大門外西偏

大名縣署在府城內南順城街西南隅乾隆二十六年知縣秦學溥領帑建脩中建大堂三楹前接抱厦露臺悉與堂稱東西書吏房各十五間甬道兩旁爲阜隸房前爲戒坊爲儀門又前爲大門屏蔽其南大堂後爲宅門二堂及兩廂各爲樓五楹樓上往來相通後爲三堂樓亦五楹東西廂各三楹堂東爲內宅主房五楹廂房如三堂式內宅門外爲過廳五楹前爲雅集堂三楹幕廳居堂之前庫樓倚大堂東偏馬廄在其西儀門外東爲衙神廟西爲監獄四十八年知縣張維祺顏過廳之額曰悅安而爲之箴復建榜

棚五楹於屏壁之南益增寬裕考縣基自明正嘉間
創建元城書院今署內三樓相環猶昔日上達樓故
址也我

朝順治六年以郡屬地界三省要衝荏苒未靖特設
制府鎮之遂將書院改爲節署康熙八年罷鎮仍爲
書院更名天雄後移書院於東偏以其地爲文昌閣
迨乾隆二十三年裁魏縣移大名附郭改爲縣署遂
將書院併入以拓其基而書院與文昌之祀俱移於
府署東偏之別駕廢署矣

典史署在儀門外東偏

縣丞署二衛河縣丞署在龍王廟鎮漳河縣丞署在魏縣廢城

元城縣署在府治北明洪武初知縣米智隨府徙建萬曆三年知縣萬世德重建崇禎五年知縣劉昌再脩延及

國朝知縣陳偉李俊有王曰恭相繼重葺後以堪輿家言折毀二堂由大堂之東改爲宅門庫樓在大堂東偏廡在庫後監獄在儀門外西偏

典史署在縣署大門內西偏

主簿署在縣東北小灘鎮

南樂縣署在東門內明洪武三年王簿葉伯瑾創建
永樂元年知縣陳朝宗再建成化間知縣李珪嘉靖
間知縣賈曉各有脩葺

國朝順治七年知縣蔡瓊枝增脩顏大堂曰牧愛東
爲庫樓西爲幕廳前爲戒石亭又前爲儀門門東爲
衙神廟西爲監獄前爲鼓樓今頽廢僅存其基大堂
之後則有正己軒四知堂再後爲令宅東偏爲馬廐
典史署在縣署東

清豐縣署在城內東南明洪武三年知縣金雍建宏
治間知縣陸崑重脩庫
廐在署

東偏

典史署在縣治前東偏

東明縣署在城內西北明宏治間知縣鄧鉞創建正
德元年知縣唐錦嘉靖十四年知縣高椽萬曆五年
知縣徐學禮十九年知縣區大倫二十八年知縣邱
雲肇三十四年知縣張師繹崇禎十六年知縣朱永
松相繼重脩

國朝順治十年知縣楊素蘊康熙二年知縣陸喬齡
十一年知縣楊日昇乾隆五年知縣徐開第遞有增
葺大堂三間扁曰忠愛後堂三間扁曰退思客廳三

間扁曰據梧軒大堂之前東爲庫樓西爲監獄堂後爲內宅其西北爲望豐樓

典史署在縣署西

巡檢署在縣南杜勝集界山東河南間爲巡防要隘開州署在城西北隅元大德元年刺史弭禮建九年刺史張禎重脩終明之世知州李廸胡璟王瑩李嘉祥朱紘遞有增葺大堂三楹前爲儀門又前爲大門左右二坊東曰頡頏遺都西曰澶淵舊郡東爲土神祠西爲監獄大堂之後爲二堂額曰敬事東側爲庫西側爲馬神廟再後爲三堂扁曰得雨再後爲州牧

宅東有雙榴軒西有平臺最後爲披雲樓卽宋真廟幸澶淵時舊建遺址也

國朝順治間知州朱國治景文魁王撫民康熙間知州林遜孫榮滿雲驩相繼重脩顏大堂曰忠愛二堂曰不愧前創清容軒內署建如水堂小憩軒療鶴亭又扁披雲樓曰問青較舊制改觀矣

州判署舊在城內乾隆元年移建呂邱店爲分防地吏目署在州署大門內東偏

長垣縣署在城內正中建於明初嘉靖二十年知縣杜緯重脩大堂增以石闌三十五年知縣鍾崇武增

脩吏舍隆萬間知縣胡賓袁和各存脩理申爲大堂
前有大門上建譙樓大堂東偏爲庫爲倉爲馬神廟
西爲監獄大堂後爲二堂再後爲三堂

國朝康熙十一年知縣宗璟重脩大堂內宅西通主
簿署創建幕廳增築臺榭二十二年知縣秦毓琦改
建西花廳掘地得古鏡因顏其堂曰寶鑑二十七年
知縣孫子昶三十六年知縣焦本興三十九年知縣
程作舟雍正元年知縣趙國麟九年知縣劉揆乾隆
三十八年知縣吳銅相繼重葺嘉慶十四年知縣李
汝垣又於寶鑑堂南建對廳三間

典史署在縣署東南

秩祀

社稷壇

會典爲大祀府及各州縣同

府社稷壇在
西關外大名

元城一縣附祭南樂在北關外清豐在城西北東
明在西關開州在北門外迤西長垣在西門外迤
北

風雲雷雨山川壇

屬中祀府及各州縣同

府在南
門外迤

東大名元城二縣附祭南樂清
豐東明開州長垣均在南門外

先農壇

中祀府及各州縣同

府及各屬
皆在東郊

厲壇

屬羣祀府及各州縣同

壇皆在
北門外

風雲雷雨廟

在府城西關外道光二十二年八月

官紳捐貲創建

城隍廟 屬羣祀府及各州縣同 府城隍廟在城西

東街元城在縣署西北南樂在城內東街清豐在縣西北隅東明在城東南隅開州在城內東南隅

長垣在城內北大街

關帝廟 屬羣祀 府關帝廟在道署東為春秋致祭之所大名在南門甕城內本縣專

祀范城在城內南樂在縣治東清豐甕城內俱有東明在縣治大門外東鼓樓後約數武累經邑合

及邑人擴脩開州一在儒學西一在東張郭里又入公橋焦二寨集西偏城西十里聶村清河店五

星集等處俱有長垣一在東關一在城西北隅又四甕城及各里村鎮建立頗多但非由官祭不備

載

人蜡廟 屬羣祀 廟在馬神廟東大名元城俱祀於此南樂舊在城西際固村後改建

舊址之西清豐舊在甕固村後改建南關外東明在縣北關外開州在學宮東長垣在西關○八蜡

一先齊二司齊三農四郵表畷五貓虎六坊七水
府八昆蟲按八蜡之說諸家各有異同今據陸清
獻公所撰靈壽志辨駁甚明
仍以鄭孔註疏爲定宜遵之

劉猛將軍廟

府廟在府城西關道光二十八年鎮道
府縣捐貲重脩開州在得勝門內他邑

赤詳按降靈錄神名承忠吳川人元末授指揮適
江淮飛蝗千里揮劍逐之蝗盡殛後以鼎革沈河

死有司奏請遂授猛將軍之號
國朝雍正二年總督李維鈞奏請附入祀典歲祀以

春秋
戊日

馬神廟

府廟在城西西北隅春秋皆遣官致祭大名元
城在八蜡廟西城西北隅南樂在縣城太僕

寺東清豐向東明在縣治西南開州一在州署
西一在太僕分司東長垣在縣署東馬廄內

旗纛廟

府及各州縣均在教場旁以上壇廟府州

縣觀同

河神廟 在府治南關陞高岸上卽艾家口咸豐元

年道府縣捐貲重脩

漳衛龍神合祀

火神廟

府廟在南關中丁字街口咸豐元年官紳商民出貲重脩東明在縣治西南太僕寺西開

州在州署後長垣在城北街

東嶽廟

一日泰山廟一日泰山行宮大名在南順城街城隍廟東餘各州縣所建甚多不備載

江瀆廟

在魏縣雙井集

漳神廟

在魏縣東郭外

龍王廟

在府西城根與普照寺毗連道光二十三

年新脩又府城東南十八里亦有龍王廟土人卽

以廟名村明時張信施地創建巡按譚慶祈雪知

縣朱湘禱雨皆有應大加脩繕地當水陸之衝屢
事踵脩廟貌至今整肅又各州縣亦有龍王廟

白龍王廟

在魏縣城東南新漳河西宋縣尉陳堯

佐撰碑記一在羅兒莊唐太宗勅封有碑記

孝元皇后廟

在府東北堤上祀漢王皇后

東哲廟

在府東六十里東館鎮

回隆廟

在大名縣西南八十里回隆鎮宋真宗北

征至此回鑿因名回龍訛爲隆也

倉頡廟

在南樂縣西二十五里史皇陵塚上

江濱廣源王廟

在清豐縣南十五里

相傳神卽楚屈原旁有井

歲旱禱
雨輒應

宋康王廟

在清豐縣東南二十五里

俗傳康王質於金迷歸跨

泥馬渡河於此土人祠之

靈津廟

在開州西別駕里

宋孫洙靈津廟記元豐元年曹村新隄成賜隄

名曰靈平廟曰靈津

顓頊廟

在開州西東郭里今廢

虞舜廟

在開州東郭里

周文王廟

在開州龍朔村

大賢廟

在開州大賢店相傳孟子曾講學於此後

人立廟祀之又名先師廟

雙忠廟 在長垣縣南關祀夏關龍逢殷比干

比干廟 在長垣縣西南魏樓村

崔府君廟 在長垣縣西三里耿村明正統間建有

錢金記祀唐開元中衛令崔瑗以治水有功也按

志舊府志長垣志俱作崔瑗他府縣志或有以爲崔珪者未詳孰是

文昌宮 一在府書院春秋朔望官祀於此一在學

署東偏久頽道光三十年官紳士民等又沿舊址

捐貲重脩一在南關陞西岸義民袁太極募脩八

載而工始成今頽廢一在元城縣學魁星樓上界

前此有樓無祠萬曆十八年知縣劉三英塑像列

從上下繪風雲支曲春秋列祀於丁祭後南樂祠
在城東南隅文廟東清豐祠舊在太僕寺西今圯
移像明倫堂後尊經閣祀之東明祠在城東南隅
文廟後尊經閣開州祠一在城內東南隅一在州
署西南俱嘉慶年間創建長垣祠在城內小南街
明萬曆元年建

三賢祠 在舊府城 文廟東祀唐魏徵狄仁傑宋
韓琦今廢

四賢祠 在府城內祀狄仁傑韓琦寇準劉安世萬
曆間增建一祠東祠祀狄韓寇三公並文潞公爲

四賢祠西祠專祀劉忠定公

五賢祠

按大名縣志註明知府張瀚四賢祠記往

年劉中丞夔偉大名創書院祠宋劉元城先生於

其間已而漸廢城東故有三賢祠廢尤甚守者奉

狄梁公寇萊公韓魏公主併列劉元城像前嘉靖

三十五年瀚承乏是郡爲撤其像正諡號以定神

位相地崇址闕門南向東通上達樓增飾踰舊云

云據此則舊祠三賢爲梁魏萊三公合祠於忠定

爲四賢也通志舊府志載三賢祠俱首魏鄭公無

寇萊公疑穆建時敵改耳萬歷間知府塗時相增

建一祠西祀劉忠定公東祠並祀文潞公爲四賢
國初設三省總制改書院爲幕府祠並廢康熙七年
罷節鎮知府周邦彬復天雄書院於上達樓故址
前重建二祠東祠復增歐陽文忠公爲五賢祠今
改大名縣署移祀五賢於府學尊經閣東廡西廡
卽一賢祠

一賢祠 一在府學尊經閣西廡祀宋劉忠定公一
在元城學宮西南隅爲公專祀

西門豹祠 在府東五里

魏武侯祠 在府城東十里

狄梁公祠 在舊府城南郭今郡東五里屯迤東里

許距舊城根數十步

祠有唐碑二一爲李邕文張繼處書今廢一爲馮宿文胡

證書今猶存又有祠在舊魏縣東南

成文穆公祠 在府城北門內大街祀明大學士成

基命

忠孝祠 在大名縣艾家口河岸知縣李本意建祀

唐魏博節度使田宏正暨子布

趙文君祠 在魏縣東南二十三里祀漢令趙夔後

城沒於水祠亦圯今祀府名宦按趙夔漢武帝時

爲令大旱自焚請禱民感之故祠焉

忠義祠 在南樂縣東知縣王邦恭建祀殉難武舉

霍貫道

魏介肅公祠 在南樂縣儒學西偏祀明魏允貞

張夢山祠 在南樂縣南二里祀元處士張淳

張孝子祠 在清豐縣南郭外祀隋孝子張清豐

南將軍祠 在清豐縣北門外明知縣沈鍊創建祀

唐南霽雲茅坤有記以上南北二祠均建自嘉靖年間

道光二十九年十二月經清豐縣知縣陳政典續

脩

泉源祠 在清豐東北三十里泉源卽衛河之源詩泉源在左是也

沈青霞祠 在清豐縣北郭祀明知縣沈鍊

二賢祠 在東明縣西北二十里明嘉靖間居民掘

地得石上書閔子騫公西華之祠知縣沈大楠請

脩二賢祠春秋二仲於文廟祭畢舉祭焉縣志載沈令臬

山人脩祠後子紹慶以是年領鄉薦第一入闈時見兩偉人衣冠巍峩若或助之比公車過東明入

祠瞻拜宛闈中所見始悟爲神

柳下惠祠 在開州東北柳下屯

程明道祠 在開州城內

萊公祠 在開州東郭御井旁

仲子祠 有二一在開州北戚城明嘉靖開領州張寰增修奉祀生員

一八春一在長垣縣北街明嘉靖三十五年知縣鍾崇武創建祠西爲求

仁書院

阿朮律大官人祠 在開州由義坊朮律元人屢立戰功世祖嘗稱爲大官人開州有大獄株連千餘家公爲剖辨得雪至元初散軍衛於河北民被其虐悉繼以法開人感而祀之

郭忠烈祠 在開州由義坊明洪武初建祀元郭嘉李襄毅公祠 在長垣縣東大街祀明少傅李化龍蘧公祠 在長垣縣城內東南隅舊爲子路祠明正德間知縣張治道建嘉靖二十六年知縣白大用

並祀遽伯玉名二賢祠三十五年知縣鍾崇武改

祀子路於北街此遂爲遽伯玉專祠

前日君子堂後日及聖堂

側有知非軒寡過軒縣生童多肄業其中

晏平仲祠 在長垣縣四十里

先賢程子祠 在長垣縣東二十五里居仁里祀程

子伊川

婦姑祠 在長垣縣南關

衛靈公祠 在長垣縣南

寺觀

興隆寺

在府城東舊城內殿西偏有魏公彈碁局

魏文帝時故款也

壓沙寺

在府城東舊城內始建莫考中有梨千樹

韓魏公留守時常遊其地創亭花間曰雪香亭

普照寺

在府城西南隅宋元間舊城有古剎明徙

城時改建規模宏敞多游人題詠近來傾圮殆盡

藏經閣復燬於火寺基半爲民居

太安寺

在府城東舊城內宋時建東壁畫眞宗幸

大名時儀衛鹵簿及扈從百官以寇萊公爲首

興化寺 在府城東舊城西關

臨濟寺 在府城外西北隅本故宦郭汝賢所建白

衣堂知府周邦彬改建爲寺康熙九年

敕賜護國臨濟寺乾隆五年

賜御校藏經一十二部有大興邵宗碑文

見大名縣志

白佛寺 在大名舊縣治東南隅宋徽宗時建原名

白馬寺明初改今名

大覺寺 在大名治西三里店

石佛寺 在大名治西二十里新併沙口集

寺有碑刻甚古

興國寺 在大名縣治西四十里新併胡貫莊

三教寺 在大名縣治西北四十五里新併老君堂

青雲寺 在大名縣治西北五十里

報國禪院 在大名縣西南三里漳河村

文殊寺 在舊魏縣西

淨土寺 在南樂縣儒學後

南焦寺 在東明縣東二十里漢桓帝元年建

資壽寺 在東明縣東二十里唐天寶間建明萬曆

四十二年重修

開元寺 在東明縣西八里宋太平興國中建明永

樂七年重修

高壩寺 在東明縣西十五里唐景德四年建明正

統二年重脩

龍骨寺

在東明縣南二十里

舊名清淨菴宋仁宗改今名碑刻尚存

舊賢寺

在東明縣東南六十里漢龐居士煉行得

道處唐開元中建

福興寺

在東明縣東北十五里梁貞明三年建

寺

猶藏梁時三寶銅印
背後刻梁貞明三年明成化間重脩

隆興寺

在東明縣西北十五里八照村晉太康元

年建元至正元年重脩

景元寺

在東明縣西南二十里梁時建元至正間

重修

太平興國寺 在開州城隍廟東宋時敕建

延昌寺 在開州東南小濮村後唐時建本名法空

寺元睿宗在藩邸嘗駐蹕於此卽位後重建改名

雲峯寺 一名延壽寺在開州古定鎮元至正初創

建本狀元王鶚別墅
至正二年捐爲寺

上元寺 在開州道期莊元至正二年建

興福寺 在開州南五十里還城村宋太平興國九

年建內有藏經閣明嘉靖初毀後重建

青龍寺 在開州南七十里大韓村宋開寶六年建

洪福寺 寺卽宣房故墟在開州之新店後周時建

宋明屢經脩葺

龍泉寺 在開州清河店北岡上

清涼寺 在開州郭村去城十里唐太和中建中有

石香亭

獅子寺 在開州東牙屯宋太平興國中建

彌陀寺 在開州北白倉店

佛聖寺 在開州西南丁家寨元至正二年脩明萬

曆二年重脩

集因寺 在開州保安集距城五十里

華嚴寺 在開州西南三十五里大桑樹村明洪武
中建萬厯啟禎間屢經脩葺尙書董漢儒作記一
在白邱莊

興元寺 在開州南四十里堤上

慶福寺 在開州南慶祖店宋元祐中建內有千佛
閣

官人寨寺 在開州大韓里相傳宋時高僧所建元
末燬於兵明成化中重脩

興雲寺 在開州東清河店

大覺寺 在開州東北昌湖村

雲巖寺 在開州東南七十里

北張寺 在開州習南集西南三里許

護國寺 在開州南安邱里

清邱寺 在開州東南清邱里

春容寺 在開州東南長樂里

張溫寺 在開州東南三十里

灣子寺 在開州官人店西南

文搖寺 在開州東南五十里

慈雲寺 在開州岳村莊

觀音禪寺 在開州東南五十里文留堡

龍泉寺 有二一在開州清河店北岡上一在長垣縣西北二十里青岡集

業脩寺 一名壽聖寺在長垣縣東四十里小蓋村唐天寶八年建又縣西北亦有壽聖寺

紙坊寺 在長垣東一百二十里紙坊集元賈魯明陳瑄脩河至此皆有碑記

白塔寺 在長垣縣西門內明洪武八年建

興國寺 在長垣縣西南司家坡宋時建

上院寺 在長垣縣東南二十五里黃門村梁大監八年建

慈雲閣

在開州城內西南隅

演道宮

在南樂縣治西北隅

萬安宮

在清豐縣治西北明洪武中建

純陽宮

在開州治東南

潛德觀

在開州城內宋太祖微時嘗寓澶州城中

有邸舍徽宗時改觀以潛德名

元都萬壽觀

在開州城東八蜡廟後元郎真人脩

煉之處泰定二年建

太清觀

在開州王稱堦元至元十三年建

碧霞元君觀

一在開州瑕邱據邱上創建無考明

嘉靖中趙王重脩一在南湖村明隆慶二年建

崇真觀 在長垣縣治東北隅元至正八年建明洪

武中重脩

小青觀 在長垣縣東二十里小邗村

老君堂 在開州習城明初建

玉石堂 在開州城內東南隅

地藏菴 在開州先農壇東

普慈禪院 在開州城內西湖側創建無考明司業

晁璫通判吉贊重脩

普濟禪院 在開州東岳村里州人知府邢琦建

橋梁

永濟橋 在大名縣楊家村居民呂洧等建

利涉橋 在舊魏縣東南一里明知縣李幼淑建

柱中橋 在舊縣南門外

迴瀾橋 在舊魏縣東關外以上二橋明知縣田大年建

義橋 在舊魏縣北里許知縣馬襄建有碑記載大名縣志

長橋 在舊魏縣東郭龍化村外長十里有餘以防

漳水

廣濟橋 在元城縣小灘鎮之北架木爲梁施板於

上面覆以石空丈餘以時啓閉而舟行無阻因名

廣濟橋

有大學士徐碑記
見元城縣藝文志

清流橋

在南樂縣南關明嘉靖間知縣周球建

樂清橋

在南樂縣西北四里岳儒固村西有古河

道自開州界流至此每遇秋霖遂成巨浸行者病涉明知縣王邦泰周球相繼脩築尋圯嘉靖間知縣楊守誠勸建石橋爲之記

繁水橋

在南樂縣宋政和五年都水使者孟昌齡

建

澧水橋

舊在孔村永樂十二年移南樂縣西十里

今迷其跡

楊家橋 在清豐縣東一里

西河橋 在清豐縣西郭外

舊城橋 在清豐縣南三里

大河橋 在清豐縣北三里明嘉靖二十八年建

青雲橋 在東明縣治東南學宮前明隆慶六年知

縣張正道建

李公橋 在東明縣治西南龍興寺東

洪河橋 在東明縣南關明萬曆十年知縣徐學禮

建

玉帶橋 在東明縣北門外跨漆河

吳勝橋 在東明縣東十五里

水月菴橋 在東明縣北門外玉帶橋東

董家橋 在東明縣西十五里

楊家口橋 在東明縣西南十二里雲臺東

普河橋 在東明縣東南八里袁旗營

米聚屯磚橋 在東明縣城北十八里乾隆十五年

通判鄭詵建

石川橋 在開州東門外

浮翠橋 在開州東南五里洪洋山南明宏治間建

嘉靖中知州楊家慶重修

南溪橋 在開州東南汊河頭距城八十餘里

唐清河橋 在開州張家舊寨東

平濟橋 在開州黃濱莊南一里許

八公橋 在開州南四十里

普濟橋 在長垣縣城東門外明宏治五年邑人鴻

臚寺鳴贊韓瑛建

陽澤橋 在長垣縣南門外

惠政橋 在長垣縣西門外

周申侯橋 在長垣縣北門外明鄉民周敏申與侯

景芳三人同建故名以上四橋乾隆三十三年皆

經知縣吳鋼重脩

次通橋 在長垣縣東北二里許遂家河自小務口
來夏秋泛漲民病徒涉明萬厯間邑紳倡建

廣濟橋 在長垣縣西關外明知縣袁和建

東壇口橋 在長垣縣北關東

張仙橋 在長垣縣東關外張仙廟迤南

文明橋 在長垣縣南郊外雍正七年邑人陳肇隆
捐建乾隆十九年邑人蠡縣訓導楊鍾恒重脩四

十五年鍾恒子潮陽知縣楊任貢生崔榮等再葺

同人橋 在長垣縣西南柳園村

義塚

府西門外四處 俱在演武廳迤西距城一里許計地一十八畝道光二十七年兵備道何俊前知府今兵備道何耿繩知府武蔚文率同大名縣知縣黃賜履元城縣知縣郭時亮各捐俸廉發當商生息以爲掩埋之費立案以垂永久

大名縣十三處

清化里一處 方五里明僉事張應福施

仕望集一處 方二畝縣民連世仁王福臻施又

方一畝鄉民李可教施

舊縣東門外一處 方三畝明嘉靖間巡按王口
置有石碣

舊魏縣西隄南隅一處 方二畝有石碣

小汪村一處 方二畝四分布政使崔維雅施

舊魏城北一處 方四畝五分明知縣童漢臣置

舊魏西郭外一處 方十畝知縣金廣協置

舊魏城西一處 方六畝縣民韓錦高進施

舊魏城南一處 方二里明參政王光祖施

坡兒村一處 方一畝省祭韓爵施

胡貫莊一處 方二畝鄉民王魁施

原书缺页

原书缺页

彥在連界地方添置地陸畝肆分叁厘

南關外一處 舊方約二畝知縣吳人彥在連界

地方添置地肆畝玖分肆厘

以上二條均有碑文

東明縣十二處

城南一處 崇禎十三年邑人陳延祚施

南關迤東一處 方六畝六分知縣程允仁捐地

肆畝一分監生吳琮捐地二畝五分

西關外迤北一處 方四畝五分闔邑紳士捐置

北關外一處 方二畝五分

卽漏澤園明萬曆十六年知縣朱誥置年

久湮失雍正六年知縣程允仁查出改爲義塚

大名府志 卷之六
東關外一處 方一畝六分

縣東六圈集一處 方六畝一分一釐四毫邑民

王公言捐置

縣南裴子岩一處 方五畝陸分肆毫邑民張澤

民捐置

西東明集一處 方三畝邑民劉名侯捐置

縣北海頭集一處 方四畝五分衆紳士公捐

八召村一處 方十畝生員劉炯捐置

北曹家口一處 方三畝生員曹文純施

公西集一處 方四畝五分生員房士銓施

開州一處

拱北門外一處

清河鎮一處

皆開州判平家

文捐置

長垣縣二十九處

東關外一處

方五畝明嘉靖間邢姓捐置

南關外三處

一爲明正德間參木里牛進施方

五畝一爲正德七年指揮張儀捐置方三畝一爲

嘉靖十七年在廂里喬厚捐施方一畝五分

西關外一處

方十畝嘉靖十八年花園里邑民

張相捐置

北關外一處 方一畝五分邑人孫惠施

耿村一處 地四十畝嘉靖三十八年監生胡

淮捐置

樊相集南一處 方三畝嘉靖三十年樂善里胡
拱辰捐置

城西北一處 方五畝康熙十年知縣宗琮捐

城東一處計地七畝有奇城西一處計地六畝城

北一處計地二畝六分城南一處計地二畝三分

共四處俱康熙二十四年知縣秦毓琦捐

西郭外三處 一段六畝一段五畝一段二畝俱

康熙十七年邑民張姓捐

小屯村一處 方二畝有奇生員張握理等公捐

版邱集一處 方一畝有奇邑人祝國倫捐

治岡村一處計地四畝 崔家莊一處計地四畝

俱舉人張元美捐

常村集二處一生員張暉捐計地一畝一山西商人許昇捐計地三畝

竹林集一處計地二畝零 荆岡集一處計地一

畝此二處捐施姓名無考

西關外二處計地三畝某十畝版邱集一處計

地十畝俱雍正七年知縣胡承璘捐置有碑
又版邱集一處計地二十畝雍正七年監生張曉
捐

小谷堆一處 方五畝生員張暉捐

茅廬店一處 方二十六畝邑民周子重捐